

1580

Green for 4 ref

2(075)
11-15

1912

1913 № 37.

03 AUG 2009

ԴԱՍԱՏԵՏՐ

Բ. տարի
Ժ. տպ.

ԿՐՕՆԻ

ՀԱՄԱԶԱՅՆ ՆՈՐԱԳՈՅՆ ԾՐԱԳՐԻ



БИБЛИОТЕКА
ИНСТИТУТА
ВОСТОКОВЕДЕНИЯ
Академия Наук
СССР

Սահակ ա. Բ. Սահակեանց

2(075)

4-15

Թ Ի Ֆ Լ Ի Ս

Յարան «Հայերանո», Երկրաբանական № 17
1912



5769

11-75

ԴԱՍԱՏԵՏՐ

Բ. տարի
ժե. տպ.

ԿՐՕՆԻ

ИНСТИТУТ
БОСКОНИ-ДЕМИ
Литературный Науч
СССР



466

ՀԱՄԱՁԱՅՆՆՈՐԱԳՈՅՆ ԾՐԱԳՐԻ

Սահակ ա. Բհ. Սահակյանց

Թ Ի Յ Լ Ի Ս

Տպարան «Էսպիրանսո», Նիկաեոնիսիայա № 17

1912

Ի ՀԱՅՐԱՊԵՏՈՒԹԵԱՆ

Տ. Տ. ԳԵՈՐԳ Ե.

Սրբազնագոյն Կաթողիկոսի Ամենայն Հայոց, Ծայ-
րագոյն Պատրիարքի Համազգական Նախամեծար
Արարատեան Առաքելական Մայր Աթոռոյ Սրբոյ
Կաթողիկէ Էջմիածնի:



36108-66

Ժողովուրդի մասին հարգանքներով և հարգանքով
բարձր տոնը ցանկացողներին հարգանքներով և հարգանքով
հարգանքներով և հարգանքներով հարգանքներով և հարգանքներով
հարգանքներով և հարգանքներով հարգանքներով և հարգանքներով
հարգանքներով և հարգանքներով հարգանքներով և հարգանքներով

ՄԻ ՔԱՆԻ ԽՕՍՔ

Նորագոյն ծրագիրն արդէն հրատարակուած է և
խստիւ պահանջուած է նրա անշեղ գործադրութիւնը:

Նորագոյն ծրագիրը պարտաւորական լինելով հան-
դերձ և այն ազատութիւնն է տալիս, որ ամեն մի
ձեռնհաս անձն իրաւունք ունի իւր դիտողութիւններն
ուղարկել ծրագիր մշակող Դպրոցական Յանձնաժողո-
վին, որպէսզի վերջինս օգտւելով մասնաւոր կարծիք-
ներէից, մշակէ վերջնական ծրագիր—հետեւաբար ներկայ
ծրագիրը և՛ պարտաւորական է և՛ ժամանակաւոր՝ գոնէ
մի կամ երկու տարուայ համար:

Որպէսզի կրօնի դասատուներին դիւրութիւն տը-
ւած լինենք մինչև նոր ծրագրի վերջնական կազ-
մութիւնը՝ ես յարմար համարեցի իմ կազմած կրօնի
դասագրքերի առժամանակեայ գործադրութիւնը յարմա-
րեցնել նորագոյն ծրագրին (մի քանի գլուխ դիտմամբ
աւելացրած են՝ կապը պահպանելու համար):

Կրօնուսոյցները, որպէս ուղեցոյց, կարող են օգ-
տուել որոշած նիւթերի համար մեր հրատարակած Հին
և Նոր ուխտերի Ուղեցոյցներէ համապատասխան
գլուխներէից:

Ցանկանք որ մատաղ սերունդը նոր դասագրքերով
ևս դաստիարակուի քրիստոնէական և հայ եկեղեցու

ողուով՝ համաձայն գիտութեան պահանջներին: Իսկ այդ զաղափարներին յեղյեղումները մենք շատ վաղուց ենք տուել կրօնի դասատուներին մեր հրատարակած Հին և Նոր-ուխտերի Ուղեցոյցներում: Յուսանք պատուարժան կրօնուսոյցները ապագայում ևս շարունակեն օգտուել այդ նիւթերից՝ յօգուտ մատաղ սերնդին:

Ս. ա. ԲԻ. Ս.

Տիֆլիս, 1-ն Նոյեմբ. 1911 թ.

ՆԱՀԱՊԵՏՆԵՐԻ ԴԱՐ


Ա. ԱՐԲԷՆՍ

1. ԱՍՏՈՒԱԾ ԿԱՆՉՈՒՄ Է ԱՐԲԷՆՍԻՆ

Ա. Միջազգային խառն քաղաքում Սեթի ցեղից մի մարդ էր ապրում՝ անունն Աբրահամ: Նրա հայրը և բոլոր խառնացիները կուռք էին պաշտում, իսկ ինքը՝ ճշմարիտ Աստծուն: Աստուած ասաց Աբրահամին. «Թող քո հայրենիքը, բարեկամներդ, հորդ տունը և գնա Քանանացւոց երկիրը. ես քեզ այնտեղ մեծ ազգ կդարձնեմ և կօրհնեմ: Քո ձեռով պէտք է օրհնուեն երկրիս բոլոր ազգերը: Քո ցեղից մէկը կծնի և աշխարհիս բոլոր մարդոց բաղաւոր կդարձնէ»:

Բ. Սրանից ետոյ Աբրահամ իսկոյն դուրս եկաւ խառնից. հետն առաւ իւր կին Սառային, եղբօրորդի Ղովտին, ազգականներին, իւր հարստութիւնը ու գնաց դէպի Քանան: Երբ Քանա-

նացւոց երկրի Սիւքէմ հովիտը հասաւ, Աստուած նորից երեաց Աբրահամին ու ասաց. «Ահա սա է իմ խոստացած երկիրը, որ տալիս եմ քեզ և քո որդւոց»: Աբրահամն այնտեղ սեղան շինեց և Աստծուն շնորհակալութիւն արաւ:



2. ԱԲՐԱՀԱՄԸ ԵՒ ՂՈՎՏԸ ԲԱԺԱՆԻՈՒՄ ԵՆ ԻՐԱՐԻՑ

Աբրահամը մի հարուստ մարդ էր—ունէր շատ խաշներ, ոսկի և արծաթ: Ղովտը ևս հարուստ էր—նա էլ ունէր բազմաթիւ խաշներ և վրաններ: Նրանք բնակոււմ էին Սիւքէմի և Յոր-

գանանի հովտում, բայց այդ տեղը շատ փոքր էր, այնպէս որ խաշներին բաւականութիւն չէր տալիս, դրա համար ևս շարունակ կռիւ էր պատահում Ղովտի և Աբրահամի հովիւների մէջ:

Մի անգամ Աբրահամն ասաց Ղովտին. «Ինչու պէտք է մեր հովիւների մէջ կռիւ պատահի. չէ որ մենք ազգականներ ենք. արի՛ բաժանուենք: Եթէ դու ձախ գնաս, ես աջ կերթամ, իսկ եթէ դու աջ գնաս, ես ձախ կերթամ:

Ղովտն ընտրեց ամենալաւ մասը—Չրբրով հարուստ Յորդանանի պտղաւէտ հովիտը, իսկ Աբրահամը բնակուեց Քեբրոնի մօտ գտնուող Մամըրէի անտառում: Ղովտի վրանները հասնում էին մինչև Սողոմ քաղաքը, որի բնակիչները շատ վատ մարդիկ էին—Աստծու ճանապարհով չէին գնում:

3. ԱԲՐԱՀԱՄԸ ԱԶԱՏՈՒՄ Է ՂՈՎՏԻՆ

Մի անգամ հարեան չորս թագաւորներ պատերազմ ունեցան Սողոմ և Գոմոր քաղաքների թագաւորների հետ: Սրանք յաղթուեցան, ժողովուրդը փախաւ լեռները: Թշնամին խեց Սողոմ և Գոմոր քաղաքների հարստութիւնը: Ղովտն ևս գերի ընկաւ իր խաշներով:

Ղովտի ծառաներից մինը գիշերով փախաւ, շտապով եկաւ Աբրահամի մօտ և յայտնեց, որ

նրա եղբորորդին գերի է ընկել: Աբրահամը, երբ իմացաւ, իսկոյն հաւաքեց իւր երեք հարիւր տասն և ութ ծառաներին. ընկաւ թշնամու ետեւից, զիշերով յարձակուեց նրանց վրայ. ջարդեց. ետ առաւ աւարը և ազատեց Դովտին:

Երբ Ամրահամը պատերազմից վերադառնում էր, Սողոմի թագաւորը նրա առաջ դուրս եկաւ ու ասաց. «Գերի առած մարդիկն ինձ, իսկ աւարը քեզ լինի»: Աբրահամը պատասխանեց. «Ոչ, ես մի տրեխի թեկ անգամ չեմ վերցնի—բոլորն էլ քեզ լինի»: Աբրահամը դարձաւ Քեբբոն:

4. ԻՍՍԷՍԿԻ ԾՆՈՒՆԴԸ ԵՒ ԶՈՀՈՒԻԼԸ

Ս. Քսան և հինգ տարի Աստծու խոստումից ետոյ Սառան մի որդի ունեցաւ, որի անունը Իսահակ դրին: Աբրահամն արդէն հարիւր տարեկան էր: Նա շատ էր ուրախանում:

Բ. Մի քանի տարուց ետոյ Աստուած Աբրահամին փորձեց ու համար՝ ասաց. «Աբրահամ, վեր առ քո միակ որդի Իսահակին և գնա Մորէայի երկիրն ու այնտեղ իմ ցոյց տուած լեռան վրայ զոհիր նրան»: Աբրահամն առաւօտը վաղ վեր կացաւ. համետեց էշը. փայտ պատրաստեց զոհի համար. հետն առաւ Իսահակին և երկու ծառայու. գնաց Աստծու ցոյց տուած երկիրը: Երեք օ-

րից ետոյ տեղ հասան: Աբրահամն ասաց իւր ծառաներին. «Մնացէք այստեղ, իսկ ես Իսահակի հետ պէտք է գնամ վերև աղօթելու»:

Իսահակը մատաղի փայտը շաղկեց, իսկ Աբրահամը ձեռին բռնած ռնէր զոհի կրակն ու



ղանակը: Ծանապարհին Իսահակը հաբցրեց հօրը. «Հայր, կրակն ու փայտն այստեղ են, բայց հօր է մատաղացու ոչխարը»: Աբրահամը պատասխանեց. «Աստուած ինքը տեսնում է մատաղացուն»:

Երբ նրանք լերան գագաթը հասան, Աբրահամը



սեղան շինեց. փայտը դարսեց վրան. որդուն

դրեց փայտերի վրայ. վեր առաւ դանակը, որ Իսահակին զոհէ:

Այն ժամանակ Աստծու հրեշտակը ձայն տուաւ երկնքից ու ասաց. Աբրահամ, Աբրահամ, ձեռք ետ քաշիր, ես իմացայ, որ դու Աստծուն սիրում ես: Ահա այն թուփը, որի մէջ մի ոչխար կայ, վեր առ և զոհիր Իսահակի փոխարէն»: Աբրահամն այդպէս էլ արաւ:

Աստծու հրեշտակը նորից ձայն տուաւ Աբրահամին ու ասաց. «Որովհետեւ քո միակ որդին չինայեցիր, ուստի ես քեզ օրհնում եմ. քո զաւակները թող երկնքի աստղերի ու ծովի ափի աւազի չափ բազմանան—քեզնով պէտք է օրհնուեն երկրիս բոլոր ազգերը»:

Աբրահամն եկաւ ծառաների մօտ և միասին դարձան Գերրոն:

5. ՍԱՌԱՅԻ ՄԱՀԸ

Սառան հարիւր քսան և եօթը տարեկան հասակում մեռաւ Բեբրոնում: Աբրահամն սկսաւ լալ և սուգ անել: Երբ սգի օրերն անցան, վերկացաւ ու ասաց քերընցիներին. «Խնդրեցէք Եփրոնին, որ իմ ագարակի ծայրումը գտնուող Կրկին-Այրն ինձ վաճառէ, որպէսզի իմ մեռելն աշտեղ թաղեմ»: Եփրոնն ինքը եկաւ և ասաց.

«Ագարակն արժէ չորս հարիւր ոստեր, թաղիր քո մեռելն այնտեղ»: Մարդկանց առաջ Աբրահամը



կշռեց արծաթը և տուաւ նրան: Աբրահամը Սա-
ռային թաղեց Կրկին-Այրի մէջ:

6. ԻՍԱՀԱԿԻ ԱՄՈՒՄՆՈՒԹԻՒՆԸ ԵՒ ԱՖՐԱՀԱ- ՄԻ ՄԱՀԸ

Աբրահամը շատ էր ծերացել. ուղում էր մեռ-
նելուց առաջ Իսահակին պսակել, ուստի կանչեց
աւագ ծառայ Եղիազարին ու ասաց. «Կգնաս Խա-
ռան և այնտեղ իմ ազգականներից Իսահակի հա-
մար մի հարսնացու կընտրես»: Եղիազարն առաւ
իւր հետ մի քանի ծառաներ, տասն ուղտ և շատ
ընծաներ ու ճանապարհ ընկաւ դէպի Խառան
քաղաքը: Երբ տեղ հասաւ, ուղտերին հանգիստ
տուաւ քաղաքից դուրս՝ մի ջրհորի մօտ:

Արևը մասնելու ժամանակն էր: Կանայք այդ
ժամին գալիս էին ջուր տանելու: Եղիազարն
աղօթեց և ասաց. «Աբրահամի Աստուած, յաջո-
ղիր իմ գործը. այս քաղաքի աղջիկներն անա-
կգան ջուր հանելու, եթէ մի կոյս աղջիկ գայ և
ես նրան ասեմ՝ կուացրո՞ւ սափորդ ու ինձ ջուր
խմացրո՞ւ և նա էլ խմացնէ, նա կլինի Իսահակի
կինը»:

Հագիւ թէ այս խօսքերը վերջացրել էր,
եկաւ Աբրահամի եղբայր Բաթուէլի դուստր Ռեբե-
կան՝ սափորն ուսին: Նա մի գեղեցիկ աղջիկ էր:
Իջաւ ջրհորը, լցրեց սափորը և կրկին բարձրացաւ:
Եղիազարը դիմեց նրան և ասաց. «Թոյլ տո՞ւր


ինձ, որ փոքր ինչ ջուր խմեմ քո սափորից»։
Նա էլ պատասխանեց. «Խմիր»։ Այս ասաց՝ շտա-
պով սափորը կռան վրայ իջեցրեց և օտարակա-
նին ջուր տուաւ։ Նա ուղտերին էլ խմացրեց։



Խմելուց ետոյ՝ Նղիազարը Ռեբեկային մի ոսկեայ
գլխոտ և երկու ապարանջան ընծայեց ու հարց-
րեց. «Ո՞ւմ աղջիկն ես, արդեօք քո հօր մօտ այս
գիշեր կարելի է հիւր լինել»։ Նա պատասխանեց
և ասաց. «Ես Բաթուէլի աղջիկն եմ, մենք շատ

խոտ ու դարման ունենք քո ուղտերի համար,
նոյնպէս քեզ և անասունների համար իջեանելու
տեղ»։

Ռեբեկան վազեց և պատմեց մօրն այս ա-
մենը։ Նա մի եղբայր ունէր Լաքան անունով։
Երբ սա տեսաւ քրոջ գնտերը և ապարանջաննե-
րը, վազեց դէպի ջրհորը և այն օտարականին



տուն հրաւիրեց։ Երբ տուն եկան, ջուր բերեց
ուտները լուանալու, որից՝ ետոյ կերակուր ևս բե-
րեցին։ Նղիազարը պատասխանեց. «Ես հաց չեմ
ուտի մինչև իմ միտքը չյայտնեմ»։ Նղիազարը
յայտնեց իւր ով լինելը. թէ ինչու է եկել և թէ
ինչ է աղօթել ջրհորի մօտ։

Բաթուէլը և Լաքանը պատասխանեցին. «Ու-

ընթացի մասին կամքն է, մենք դրա դեմ ինչ կարող ենք անել, վեր առ Ռեբեկային և տանք: Մի քանի օրից ետոյ Ռեբեկան իւր ընկերուհիներին հետ ճանապարհ ընկաւ դէպի Քիւրքան:

Իսահակը երեկոյեան ժամանակ դաշտ էր գուրս եկել զբօսնելու: Նա տեսաւ հեռուից, որ տանն ուղտ է գալիս: Ռեբեկան ևս նկատեց Իսահակին և հարցրեց ծառային. «Ո՞վ է այն մարդը, որ դաշտի մէջ զբօսնում է»: Ծառան պատասխանեց. «Նա իմ տէրն է»: Եղիազարը պատմեց Իսահակին ամեն բան: Այնուհետև Իսահակը պսակուեց Ռեբեկայի հետ և միասին էին ապրում:

Արրահամը իւր բոլոր հարստութիւնը Իսահակին տուաւ և մեծաւ հարիւր եօթանասուն հինգ տարեկան հասակում:

Իսահակը թաղեց նրան Կրկին-Այրի մէջ՝ Սառայի մօտ:

Բ. Ի Ս Ը Հ Ը Կ

7. Ե Ս Ա Ի Ե Ի Յ Ա Կ Ո Վ Ի


Իսահակը երկու որդի ունեցաւ — մեծի՝ անդրանիկ անունը և փոքրիկը՝ Յակովբ:

Եսաւը մաղոտ էր, պարապում էր որսորդութիւնով ու հողագործութիւնով, իսկ Յակովբը փնտմէր տանը և մօրն օգնում տան գործերում: Իսահակը Եսաւին էր սիրում, որովհետև նրա բերած որսի միսը ակորժակով էր ուտում, իսկ Ռեբեկան՝ Յակովբին:

Մի անգամ Յակովբը ոսպէ թան էր եփել: Եսաւը որսից դադրած տուն դարձաւ և ասաց եղբորը. «Քո ոսպէ թանից մի քիչ էլ ինձ տուր»: Յակովբը պատասխանեց. «Ծախիր քո անդրանկութիւնը, ետոյ կստանաս ոսպէ թանը»: Եսաւն ասաց ինքն իրան. «Ես սովից մեռնում եմ, ինչիս է պէտք անդրանկութիւնը»: Յակովբն ասաց. «Ուրեմն երդուիր, որ խօսքդ ետ չես առնի»: Եսաւը երդուեց: Այն ժամանակ Յակովբը տուաւ նրան ոսպէ թանից: Եսաւը կերաւ, խմեց, վերկացաւ և գնաց: Այսպէս Եսաւը մի բաժին ոսպէ թանով ծախեց իւր անդրանկութիւնը:

8. Յ Ա Կ Ո Վ Ի Ի Խ Ա Բ Ե Բ Ա Յ Ո Ի Թ Ի Ի Ն Ը

Իսահակը հարիւր երեսուն եօթը տարեկան էր — նրա աչքերը լաւ չէին տեսնում, նա զգում էր իւր մահը, ուստի կանչեց Եսաւին և ասաց. «Ես շուտով կմեռնեմ. գնա դաշտ. որսի միս բեր. ինձ համար խորտիկ պատրաստիր, որ ուտեմ և օրհնեմ քեզ վերջին անգամ»:



Ռեբեկան լսեց այս խօսակցութիւնը, կան-
չեց Յակովբին և ասաց. «Լսեցի որ հայրդ Նա-
ւին ասաց—գնա դաշտ, որսի միւս բեր, ուսեմ
և օրհնեմ քեզ: Ուրեմն լսիւր ինձ, շտապիւր խաշ-
ների մօտ և երկու ուլ բեր, հօրդ սիրած խոր-
տիկը պատրաստեմ, տաւր որ ուտէ և օրհնէ քեզ
վերջին անգամ»: Յակովբը պատասխանեց.

«Իմ եղբայր Նաւը մազոտ է, իսկ ես՝ լեւի,
գուցէ շօշափէ ինձ և ես խաբեբայ դուրս գամ»: Մայրը պատասխանեց. «Գնա և այնպէս արա՛,
ինչպէս քեզ ասացի»:

Յակովբը գնաց, ուլեր բերաւ և մօրը տու-
աւ: Նա էլ կերակուր պատրաստեց. Նաւի թան-
կազին շորերը հագցրեց Յակովբին. ուլի մորթին
թևերին ու պարանոցին փաթաթեց, որ հայրը
չճանաչէ և կերակուրն էլ ձեռը տուաւ: Յակով-
բը գնաց հօր մօտ և ասաց. «Հայր, վեր կաց
իմ բերած խորտիկը կեր ու օրհնիւր ինձ»: Իսա-
հակը զարմացաւ ու հարցրեց. «Այդ ի՞նչպէս շուտ
գտար որսը»: Նա պատասխանեց. «Աստուած ինքն
էր պատրաստել այդ»:

Իսահակը իւր կասկածն ստուգելու համար՝
ասաց. «Մօտ արի, որդեակ, որ քեզ շօշափեմ,
տեսնեմ իմ որդի Նաւն ևս՝ թէ ո՛չ»: Յակովբը
մօտեցաւ. հայրը շօշափեց և ասաց. «Ձայնդ Յա-
կովբի ձայնն է, իսկ ձեռներդ՝ Նաւինը»: Հայրը
թէև չճանաչեց, բայց կասկածեց, ուստի մի ան-

գամ էլ հարցրեց. «Դու իմ որդի Նաւն ևս»: Նա պատասխանեց. «Այո, ես եմ»: Իսահակն աս-
աց. «Ուրեմն մօտ բեր խորտիկը»: Յակովբը մօ-
տեցրեց նրան կերակուրը. գինի և տուաւ: Հայ-



րը, կերաւ, խմեց, օրհնեց ու ասաց. «Երկնքի
ցօղը անպակաս լինի, քո արտերը և այգիները
ցորենով և գինիով լցուեն. ազգերը ծառայեն
քեզ, եղբօրդ վրայ տէր լինես»:

Յակովբը՝ դեռ նոր էր հեռացել, որ Յսաւը որսից վերադարձաւ: Նա նոյնպէս խորտիկ պատ-
րաստեց և հօրը բերաւ: Իսահակը հարցրեց նը-
րան. «Ո՞վ ես դու»: Նա պատասխանեց. «Քո
անդրանիկ որդի Յսաւն եմ»: Իսահակը շատ զար-
մացաւ այս բանի վրայ և ասաց. «Հապա այն
ո՞վ էր, որ մի փոքր առաջ ինձ համար խորտիկ
բերաւ, ես էլ կերայ ու օրհնեցի նրան»:

Եսաւը հասկացաւ, թէ ինչ է պատահել,
բարձր ձայնով լաց եղաւ ու ասաց. «Հայր, ինձ
ևս օրհնիր»: Իսահակը պատասխանեց. «Եղբայ-
րդ խորամանակ կերպով ինձ մօտ եկաւ և քո
օրհնութիւնն ստացաւ»: Եսաւը նեղացած սրը-
տով ապաց. «Միթէ դու մի օրհնութիւն ունիս,
հայր, ինձ ևս օրհնիր»: Իսահակը պատասխանեց
և ասաց. «Թո՛ք քո բնակած երկիրը ևս պողա-
ւէտ լինի, միայն Յակովբին պիտի լսես—նա քո
մեծը կլինի»:

Գ. Յ Ա Կ Ո Վ Ի Ռ Վ Ի

9. Յ Ա Կ Ո Վ Ի Ի Փ Ա Խ Ո Ւ Ս Տ Ը

Այս բանից ետոյ Եսաւը խիստ առում էր
Յակովբին. նա ասում էր. «Երբ հայրս մեռնի,
ես կսպանեմ նրան»:

Այս բանը Ռեբեկան իմացաւ, ուստի Յա-
կովբին իւր մօտ կանչեց և ասաց. «Եսաւը մտա-
ծում է քեզ սպանել: Գնա՛ Խառան իմ եղբայր
Լաբանի մօտ, մնա՛ այնտեղ մինչև եղբօրդ բար-
կութիւնը կանցնէ»: Ռեբեկան Իսահակի հետ ևս
խօսեց այդ մասին: Նա էլ կանչեց Յակովբին,
որ արդէն եօթանասուն եօթը տարեկան էր և
դեռ չէր ամուսնացած ու ասաց. «Գնա՛ Միջա-
գետք՝ Բաթուէլի մօտ և ամուսնացիր Լաբանի
աղջիկների մէկի հետ»: Յակովբը լսեց ծնողնե-
րին և գնաց դէպի Միջագետք:

Յակովբը դուրս եկաւ Բերսաբէից ու գնաց
դէպի Խառան: Արեւ մտնելու ժամանակ մի քար
վեր առաւ. գրեց գլխի տակ ու քնեց:

Այստեղ հրազում մի սանդուխտ տեսաւ, ո-
րի ծայրը երկնքումն էր. վրայով Աստուծո՛ւ հրեշ-
տակները բարձրանում, իջնում էին: Աստուած
սանդուխտի վերևից ասում է. «Ես եմ Աբրահա-
մի և Իսահակի Աստուածը. այս երկիրը քեզ և
քո ժառանգներին եմ տալիս. քո զաւակները եր-
կրնքի աստղերի և ծովի աւազի չափ կբազմա-
նան. ես քեզ կպաշտպանեմ և նորից հայրենիք
կվերադարձնեմ»:

Երբ Յակովբը քնից զարթեց, զարմացած ա-
սաց. «Աստուած այստեղ է եղել, իսկ ես չեմ իմա-
ցել—այս տեղը սուրբ է, Աստուծո՛ւ տունն է, երկրքի
դուռն է», Յակովբը վեր առաւ այն քարը, որի

վրայ քնել էր, արձան կանգնեցրեց. իւր օձեց



նրա վրայ. օձեց և այն տեղն անուանեց Աստղ-
ծու տուն, այսինքն Բեթել:

10. ՅԱԿՈՎ ԲԸ ԼԱԲԱՆԻ ՄՕՏ

Ա. Յակովբը Բեթելից ուրախ-ուրախ գնաց իւր մօրեղբայր Լաբանի մօտ: Խառանի մօտ մի շըրհոր տեսաւ, որի շուրջը երեք ոչխարի հօտ կար: Ջրհորի բերնին ձգած էր մի մեծ քար: Յակովբը հարցրեց հովիւներին. «Ո՞րտեղացի էք, եղբայրներ»: Նրանք պատասխանեցին. «Խառանիցն ենք»: Յակովբը կրկնեց. «Ճանաչո՞ւմ էք Բաթուէլի որդի Լաբանին»: Նրանք պատասխանեցին. «Այո, անհ նրա աղջիկ Հոաքէլն էլ գալիս է իւր ոչխարների հետ»: Յակովբը Հոաքէլին տեսնելուն պէս՝ մօտեցաւ. համբուրեց նրան, լաց եղաւ և յայտնեց, որ ինքը Ռեբեկայի որդին է: Հոաքէլը տուն վազեց յայտնելու հօրը: Նրբ Լաբանն իմացաւ այս, եկաւ նրա մօտ, համբուրեց ու տուն տարաւ: Յակովբը պատմեց Լաբանին իւր գլխովն անցածը:

Բ. Յակովբը ծառայում էր Լաբանին: Մի ամիս անցնելուց ետոյ՝ Լաբանն ասաց Յակովբին. «Թէև դու իմ ազգականն ես, բայց և այնպէս չէի կամենայ, որ ինձ ձրի ծառայես. ասա, ի՞նչ է քո աշխատանքի վարձը»: Լաբանը երկու աղջիկ ունէր—մեծի անունը Լիա էր, փոքրինը՝ Հոաքէլ: Լիան տգեղ էր, իսկ Հոաքէլը՝ գեղեցիկ: Յակովբը Հոաքէլին հաւանում էր, դրա համար

էլ ասաց Լաբանին. «Ես քեզ եօթը տարի կծառայեմ, եթէ Հոաքէլին ինձ կին կտամ»: Լաբանը պատասխանեց. «Շատ բարի, աւելի լաւ է քեզ տամ՝ քան թէ մի ուրիշին»: Յակովբը եօթը տարի ծառայեց Լաբանին:

Երբ եօթը տարին անցաւ, Լաբանը հարստ-



նիք արաւ, բայց փոխանակ Հոաքէլին՝ Լիային տուաւ: Այն ժամանակ Յակովբն ասաց Լաբանին. «Ի՞նչու խաբեցիր ինձ, ես քեզ Հոաքէլի համար եօթը տարի ծառայեցի և ոչ թէ Լիայի»: Լաբանը պատասխանեց. «Մեր երկրում սովորութիւն չէ, որ փոքր քոյրը մեծից վաղ մար-

դու գնայ, եթէ դու ինձ նորից եօթը տարի կը ծառայես, Հոաքէլին էլ կտամ»: Յակովբը եօթը տարի ևս ծառայեց ու Հոաքէլին էլ առաւ: Յակովբը շատ որդիներ ունեցաւ: Նա Լաբանին վեց տարի ևս ծառայեց և փոխարէնն ստացաւ շատ ոչխարներ: Բացի դրանից ունէր բազմաթիւ ծառաներ, աղախիւններ, ուղտեր և էշեր—նա էլ Լաբանի չափ հարստացաւ:

11. ՅԱԿՈՎԲԻ ԴԱՐՁԸ ԽԱՌԱՆԻՑ

Լաբանի որդիները նախանձում էին Յակովբին, նրանք ասում էին. «Յակովբը մեր հօր կայքն իրեն սեպհականեց»:

Յակովբն ինքն ևս նկատում էր այդ նախանձը և կամենում էր հայրենիք վերադառնալ, դրա համար Աստուած ասաց Յակովբին. «Դարձիր Քանան, ես քեզ կպաշտպանեմ»: Յակովբը պատմեց այս բանը Լիային ու Հոաքէլին. նրանք էլ ասացին. «Արա՛ ինչպէս որ Աստուած հրամայել է քեզ, Այսպէս Յակովբն առաւ իւր որդւոցն ու կանանցը, խաշներն ու բօլոր հարստութիւնը և փախաւ Քանան»:

Այդ ժամանակ Լաբանը տանը չէր, դաշտ էր գնացել ոչխարները խուզելու: Երբորդ օրը Լաբանն իմացաւ Յակովբի փա-

խուստը և ընկաւ նրա ետեւից: Եօթն օրից ետոյ հասաւ նրան Դաղատտ լեռան մօտ: Աստուած ճանապարհին տեսիլքում զգուշացրեց Լաբանին ու ասաց. «Զգոյշ կաց, Յակովբի հետ սիրով վարուիր»: Երբ հասաւ, Լաբանը Յակովբին յան-



դիմանեց ու ասաց. «Ի՞նչու ծածուկ հեռացար. ի՞նչու ինձ չյայտնեցիր, որ ես քեզ երգով, թրմբուկով ճանապարհ ձգէի. ի՞նչու իմ աղջիկներին ու թոռներին առանց համբոյրի հեռացրիր: Դու ինձնով հարստացար, քո արածը լաւ բան չէ»: Յակովբը պատախանեց Լաբանին և ասաց,

«Ի՞նչ եմ արել քեզ, որ ետեւիցս ընկել ես. այդքան այժ ու ոչխար որ ունիս, բոլորն էլ իմ քրտնքի պտուղն է—ինչ որ գազանները պատառում էին, այն էլ ինձնից էիր պահանջում. ցերեկները արեակէզ էի լինում, իսկ գիշերները ցրտից չորանում: Այս ձևով ես քսան տարի քեզ ծառայել եմ»:

Թէև Լաբանն ուզում էր խել Յակովբի ոչխարները, բայց որովհետև Աստուած նրան զգուշացրել էր, ուստի ասաց. «Ես ի՞նչ կարող եմ անել աղջիկներին և թոռներին, լաւն այն է, որ հաշտուենք և դաշը կապենք»: Յակովբն ու Լաբանը հաշտուեցան. Աստուած առաջ երդուեցին և դաշը կապեցին: Պայմաններից մէկն էլ այն էր, որ Յակովբը Լաբանի աղջիկներին չպէտք է ծեծէր: Յակովբը զոհ արաւ և հացի հրաւիրեց բոլորին: Առաւօտը Լաբանը համբուրեց աղջիկներին ու թոռներին. օրհնեց նրանց և ետ դարձաւ տուն, իսկ Յակովբը շարունակեց ճանապարհը:

12. ԵՍԱԻԻ ԵՒ ՅԱԿՈՎԲԻ ՀԱՇՏՈՒԹԻՒՆԸ

Յակովբը թէև Լաբանից ազատուեց, բայց քանի լիշում էր, որ մօտենում է Եսաւի երկրին, վախենում էր, ուստի մարդիկ ուղարկեց Նղոմ (Սէիր) երկիրը, որ Եսաւի սիրտը շահեն:

Նա պատուիրեց զնացողներին. այսպէս խօսեն.
«Բո ծառայ. Յակովբն այսքան ժամանակ Հարանի
մօտ էր. մեզ ուղարկել է քեզ մօտ. ներողու-
թիւն է խնդրում»: Գնացողները գարձան և ասա-
ցին. «Բո եղբայր. Նաւը Հորս հարիւր մարդով
քեզ դիմաւորելու է գալիս: «Յակովբը շատ վա-
խեցաւ այս բանից. իսկոյն ծառաներն ու խաշ-
ները երկու մասի բաժանեց այն մտքով, որ
եթէ եղբայրը մի մասը խլէ, միւսը կարողանայ
ազատել:

Յակովբն առաւօտը վաղ առաւ իւր կանան-
ցըն ու որդւոցը և զնաց Նաււի առաջ: Տեսնե-
լուն պէս՝ իսկոյն որդիները մայրերին յանձնեց.
ինքն առաջ զնաց և եօթն անգամ ծնկաչոք գը-
լուխ տուաւ: Նաւն այս գղջուճը տեսնելուն պէս՝
փոխեց իւր միտքը—առաջ վազեց. գրկեց Յա-
կովբին. վզոյն ընկաւ ու համբուրեց նրան: Եր-
կուն էլ լալիս էին:

Նաւն ասաց. «Շտապենք, միմաին զնանք»:
Յակովբը պատասխանեց. «Ծծկեր մանուկներ ու-
նեմ, ոչխարները ևս նոր են ծնել, եթէ ստիպեմ
շուտ-շուտ զնալու, բոլորն էլ կկոտորուեն. դու
առաջ զնա, իսկ ես կամաց-կամաց կգամ»: Նա-
ւը եղով գարձաւ, իսկ Յակովբը զնաց դէպի Սի-
քեմ: Այնտեղից անցաւ Բեթէլ և Տիրոյ համար
սեղան. պատրաստեց. նրանք փոքր ևս առաջ գը-

նացին. այստեղ Հոաքէլը մեռաւ: Յակովբը թա-
ղեց նրան և վրան մի արձան կանգնեց:
Յակովբն եկաւ Իսահակի մօտ: Նա բնակ-
ւում էր Մամբրէում՝ ոչ հեռի Քերրոնից: Իսա-
հակը ծերացել էր—նա մեռաւ հարիւր և ութ-
սուն տարեկան հասակում: Նաւն ու Յակովբը
թաղեցին Իսահակին Աբրահամի զնած կրկին-Այ-
րի մէջ:

Գ. ՅՈՎՍԷՓ

13. ՅՈՎՍԷՓԻ ԵՂԵՍԵՐՆԵՐԸ ԵՒ ՆՐԱ ՎԱՃԱ- ՌՈՒՄԸ

Ա. Յակովբը տասն և երկու որդի ունէր.
Նրանց անուններն են—1. Ռուբէն, 2. Շմաւոն,
3. Դևի, 4. Յուդա, 5. Իսաքար, 6. Զաբուլոն,
7. Դան, 8. Նեփթալիմ, 9. Գաթ. 10. Ասեր, 11.
Յովսէփ և 12. Բենեամին: Յովսէփը տասն եօթն
միւր Հոաքէլիցն էին ծնուած: Յովսէփը տասն եօթն
տարեկան էր և եղբայրների հետ ոչխարները էր
արածացնում: Նա պատմում էր հօրն այն սխալ
բաները, որ եղբայրները գործում էին: Յակով-
բը Յովսէփին բոլոր որդկերանցից աւելի էր սի-
րում—նրա համար ծաղկեայ պատմութեան կարեւ-
րուաւ: Այս բանի վրայ եղբայրներն սկսեցին
նախանձել:

Յովսէփը մի անգամ երազ տեսաւ ու պատմեց եղբայրներին: Նա ասում էր. «Մենք դաշտում խուրձ էինք կապում. իմ կապած խուրձերը ուղիղ կանգնեցին, իսկ ձերը երկրպագութիւն էին տալիս իմերին: Եղբայրները պատասխանեցին. «Մի՞թէ կամենում ես թագաւոր լի-



նել մեզ վրայ»: Եղբայրները աւելի սկսեցին ատել Յովսէփին: Նա մի երկրորդ երազ ևս պատմեց եղբայրներին. «Ես տեսայ երազում, որ արքեր, լուսինը և տասն ու մի աստղեր ինձ երկրպագութիւն էին տալիս»: Այս բանի վրայ հայրը ևս բարկացաւ ու ասաց. «Այդ ի՞նչ երազ է, մի՞թէ ես, մայրդ, եղբայրներդ պէտք է քեզ եր-

դրպագութիւն տանք»: Եղբայրների ատելութիւնը չափից դուրս զօրացաւ:

Բ. Յովսէփի եղբայրները Սիւքէմ հովտում արածացնում էին իրանց հօր խաշները, իսկ Յովսէփը տանն էր: Մի օր Յակովբն ասաց Յովսէփին. «Գնա՛ եղբայրներիդ մօտ և իմացիր, թէ ի՞նչպէս է նրանց առողջութիւնը և ինձ մի համբաւ բեր»: Յովսէփը գնաց: Եղբայրները հեռուից տեսան նրան, սկսեցին ծաղրել ու ասել. «Ահա երազատեսը գալիս է, եկէ՛ք սպանենք նրան և ասեն մեր հօրը, թէ չար գազանները պատառել են—տեսնենք ի՞նչ կլինեն նրա երազները»: Մեծ եղբայր Ռուբէնն ասաց. «Մի՛ սպանէք, այլ ձգեցէ՛ք այս անապատի անջուր փոսերից մինի մէջ»: Նրա միտքն այն էր, որ Յովսէփին ծածուկ ազատէ և հօրը տանէ: Երբ երազատեսը եղբայրների մօտ եկաւ, հանեցին նրա ծաղկեայ պատմուճանը՝ ձգեցին մի անջուր փոսի մէջ և հացի նստեցին:

Այդ միջոցին մի խումբ իսմայէլացի վաճառականներ էին գալիս իրանց ուղտերով: Նրանք գնում էին Նզիպտոս: Յուդան խօսեց եղբայրների հետ ու ասաց. «Մեզ ի՞նչ շահ սրա սպանելուց, եկէ՛ք ծախենք այս վաճառականներին»: Այս մտքին ամենքն էլ հաւանեցան: Յովսէփին դուրս հանեցին փոսից և քսան դահեկանով ծախեցին: Այդ ժամանակ Ռուբէնն այդտեղ չէր. եղբայր-

ներից ծածուկ գնացել էր, որ Յովսէփին փոսից հանէ և հօրն ուղարկէ: Բայց երբ փոսի մօտ եկաւ ու Յովսէփին այնտեղ չգտաւ, պատառեց շորերը. եկաւ եղբայրների մօտ և տասց. «Պատանին փոսի մէջ չէ»:

Ետոյ եղբայրները մի ուլ մորթեցին. Յովսէփի շորերը արիւնի մէջ թաթախեցին ու հօրն



ուղարկեցին ասելով. «Այս միայն գտանք, տես, սա է քո որդու պատմութեանը՝ թէ ոչ»:

Յակովբը պատառեց իւր շորերը ու երկար ժամանակ սուգ էր անում: Որդիները գալիս էին հօրը մխիթարելու, բայց նա պատասխանում էր. «Այս ցաւովն էլ պէտք է գերեզման իջնեմ իմ որդու մօտ»:

14. ՅՈՎՍԷՓԸ ՊԷՏԱՓՐԷՍԻ ՏԱՆԸ

Վաճառականները Յովսէփին եգիպտոս տարան և վաճառեցին Փարաւոնի դահճապետ Պետափրէսի վրայ: Աստուած Յովսէփին սիրում էր — ինչ որ անում էր, յաջողում էր նրան, այնպէս որ շուտով Պետափրէսի սիրելին դարձաւ: Նա իւր տան ամբողջ կառավարութիւնը նրան յանձնեց: Աստուած օրհնեց եգիպտացու տունը Յովսէփի պատճառով:

Մի քանի ժամանակից ետոյ Յովսէփի և Պետափրէսի կնոջ մէջ անհամաձայնութիւն պատահեց: Կինը գանգատուեց մարդուն և նա էլ հրամայեց նրան բանտ նստացնել՝ առանց քննելու:

15. ՅՈՎՍԷՓԻ ԲԱՐՁՐԱՆԱԼԸ

Ա. Աստուած Յովսէփին պաշտպանում էր — բանտապետին այնպիսի միտք տուաւ, որ նրան սիրում էր: Սա բոլոր յանցաւորներին ու բանտը Յովսէփին էր յանձնել:

Մի քանի ժամանակից ետոյ Թագաւորի տաւառապետը և մատակարարը յանցանք գործեցին իրանց տիրոջ դէմ: Թագաւորը երկուսի վրայ ևս բարկացաւ ու բանտն ուղարկեց: Մի գիշեր եր-

կոնսն էլ երազ տեսան։ Առաւօտը Յովսէփը նը-
րանց մօտ եկաւ, շատ տխուր գտաւ ու հարց-
րեց. «Ի՞նչ է ձեր տխրութեան պատճառը»։ Նը-
րանք պատասխանեցին. «Երազ ենք տեսել, ոչ
ոք չկայ որ մեկնէ»։ Յովսէփն ասաց. «Իա Աս-
տրծու գործն է, բայց և այնպէս ինձ էլ պատ-
մեցէք»։

Տակառապետն առաջինն սկսաւ պատմել ե-
րազը. «Ես տեսայ երազումս մի որթ. նրա վը-
րայ երեք հասած ողկոյզ կար. Փարաւոնի բա-
ժակը ձեռիս էր. ողկուզի հատիկները ճմլում էի
բաժակիս մէջ և թաղաւորին էի տալիս»։ Յով-
սէփը պատասխանեց. «Քո երազի մեկնութիւնն
այս է—երեք ողկոյզը երեք օր է նշանակում,
որից յետոյ թագաւորը պաշտօնդ քեզ կյանձնէ.
Երբ գործդ յաջող անցնի, չմոռանաս ինձ—
խնդրիր թագաւորին, որ ինձ ազատէ, ես յառ-
ցանք չունեմ. իզուր տեղը բանտ են ձգել ինձ»։

Մատակարարը երբ տեսաւ, որ Յովսէփն ըն-
կերոջ երազին լաւ մեկնութիւն տուաւ, սիրտ
առաւ, սկսաւ ինքն էլ պատմել. «Ես էլ տեսազ
երազումս երեք խանդիկիս գրած. վերջին խանդի
մէջ հացագործի պատրաստած թագաւորի ախ-
րած կերակուրներն էին. այս վերջին խանդի կե-
րակուրներից գալիս և ուտում էին թռչունները»։
Քո երազի մեկնութիւնն էլ այս է—երեք խանդ
երեք օր է նշանակում, երեք օրից յետոյ Փարա-

ւոնը գլուխդ կտրել կտայ. մարմինդ փայտից կը-
կախէ. թռչունները կգան և կուտեն քո դիակը»։
Իսկ երեք օր այդ բանից ետոյ թագաւորի
ծննդեան տօնն էր. թագաւորն ուրախութեան
մէջ յիշեց տակառապետին և մատակարարին ևս
—առաջինին իւր պաշտօնը յանձնեց, իսկ երկ-
րորդին՝ փայտից կախել տուաւ. Բայց տակառա-
պետը ուրախութիւնից մոռացաւ Յովսէփին։

Բ. Երկու տարուց ետոյ Փարաւոնը մի երազ
տեսաւ, որպէս թէ ինքը կանգնած է նեղոս գե-
տի ափին, որտեղից դուրս եկան եօթը գեղեցիկ
ու գեր երինջ ու սկսեցին դաշտի վրայ արածել.
Սրանից ետոյ եօթը ագեղ եւ լուր երինջ դուրս
եկան և կուլ տուին այն եօթը գեղեցիկ ու գեր
երինջներին. Փարաւոնը զարթեց ու նորից քը-
նեց։

Երկրորդ անգամ երազ տեսաւ, որպէս թէ
մի փնջից եօթը գեղեցիկ ու ընտիր հասկ դուրս
եկան. ետոյ տեսաւ եօթը ժանգոտած եւ լուր
հասկ դուրս եկան ու նախկին եօթը գեղեցիկ,
ընտիր հասկերին կուլ տուին. Փարաւոնը զար-
թեց, կանչել տուաւ Եգիպտոսի երազահաննե-
րին և պատմեց նրանց, բայց ոչ ոք չկարողա-
ցաւ մեկնել։

Այն ժամանակ տակառապետն ասաց. «Այ-


սօր յիշեցի իմ յանցանքը — երբ թագաւորն ինձ և մատակարարին բանտարկել տուաւ, զիշերը երկուսս էլ երազ տեսանք: Մեզ մօտ մի եբրայեցի տղայ եկաւ. մեր երազները մեկնեց և ինչպէս մեկնեց, այնպէս էլ կատարուեց — ես իմ պաշտօնն ստացայ, իսկ մատակարարը փայտից կախուեց»:

Թագաւորը կանչել տուաւ Յովսէփին: Բանտից դուրս բերին և իրան ներկայացրին: Թագաւորն ասաց. «Ես երազ եմ տեսել, ոչ ոք չէ կարողանում մեկնել. ինձ պատմեցին՝ եթէ դու երազս լսես, կարող ես մեկնել»: Յովսէփը պատասխանեց. «Տէր արքայ, ինքս ոչինչ չեմ կարող անել, այդ Աստծու գործն է»:

Փարաւոնը պատմեց Յովսէփին իւր երազները: Յովսէփը պատասխանեց. «Երկու երազն էլ միևնոյն նշանակութիւնն ունին: Եօթը տարի Նգիպտոսում առատութիւն կլինի, իսկ եօթը տարի՝ սով: Առատութեան տարիները կանցնեն, սովի տարիներում մարդիկ կկերակրուեն առատութեան տարիների բերքերով: Ուրեմն, թագաւոր, պէտք է մի խելօք մարդ գտնես և Նգիպտոսի կառավարիչ նշանակես, որպէսզի առատութեան եօթը տարիներում կերակրի պաշար հաւաքէ եօթը սովի տարիների համար»:

Փարաւոնն ասաց Յովսէփին. «Էլ ո՞վ պէտք է լինի քեզնից խելօքը և իմաստունը. ամբողջ

Նգիպտոսը քեզ եմ յանձնում՝ միայն ես քեզնից մեծ կլիշուեմ»:



Սրանից ետոյ Փարաւոնը Յովսէփին իւր կառքի մէջ նստացնել տուաւ և հրամայեց քա-

ղաքի մէջ շրջել և յայտարարել, որ Յովսէփը իւր երկրորդն է: Թագաւորի հրամանը կատարուեց — ամենքն էլ ծունկ էին չոքում նրա առաջ: Քուրմերի աղջիկներից մէկի հետ էլ ամուսնացրեց, որից երկու որդի ունեցաւ՝ Եփրեմ եւ Մանասէ:

Յովսէփը երեսուն տարեկան էր: Լիութեան եօթը տարիներում Յովսէփը ժողովել տուաւ ցորենը Փարաւոնի շտեմարանների մէջ: Ժողոված ցորենը նման էր ծովի աւազին:

Անցան լիութեան և եկան սովի տարիները: Ժողովուրդն աղաղակում և հաց էր խնդրում թագաւորից: Փարաւոնը պատասխանեց եգիպտացիներին. «Գնացէք Յովսէփի մօտ և ինչ որ ձեզ ասէ, այնպէս էլ արէք»: Յովսէփը բաց աւել տուաւ շտեմարանների բերաններն ամեն տեղ և ցորեն էր ծախում եգիպտացիներին: Հեռաւոր երկրներից ևս եգիպտոս էին գալիս ցորեն գնելու:

16. ՅՈՎՍԷՓԻ ԵՂԲԱՅՐՆԵՐԸ ԳԱԼԻՍ ԵՆ ԵԳԻՊՏՈՍ

Ա. Քանանացւոց երկրում ևս սով էր ընկել: Յակովբը կանչեց իւր որդիներին և ասաց. «Գնացէք եգիպտոս ցորեն գնելու, որ սովից չը-

մեռնենք»: Յովսէփի տան եղբայրները եգիպտոս գնացին ցորեն գնելու: Յակովբը Բենիամինին չուղարկեց միւսների հետ, որովհետեւ վախենում էր թէ մի գուցէ փորձանք պատահէ նրան:

Յովսէփի եղբայրները եգիպտոս եկան: Ներանք Յովսէփին չճանաչեցին. երկրպագութիւն տուին և գլուխները քաշ՝ նրա առաջ կանգնեցին, իսկ Յովսէփն իսկոյն ճանաչեց և յիշեց իւր տեւած երազը: Նա իբրեւ օտար ներկայացաւ, խիստ լեզուով խօսեց նրանց հետ և հարցրեց. «Ո՞րտեղից էք գալիս»: Նրանք պատասխանեցին. «Քաղից էք գալիս»: Նրանք պատասխանեցին. «Քանանացւոց երկրից, որ ցորեն գնենք»: Յովսէփն ասաց. «Դուք լրտեսներ էք, եկել էք իմանալու, թէ մեր երկիրն ինչ վիճակի մէջ է»: Նրանք ասացին. «Ոչ, տէր, քո ծառաները եկել են ցորեն գնելու. լրտեսներ չենք. մենք տասներկու եղբայր ենք՝ մի հօր որդի. կրտսեր եղբայրներս տանն է՝ հօր մօտ, իսկ միւսը՝ այլ ևս չկայ»: Յովսէփը կրկնեց. «Դուք լրտեսներ էք և երեք օր բանտարկեց նրանց:

Երկրորդ օրը Նովսէփն ասաց նրանց. «Ձեզնից մէկը բանտում կապուած կմնայ, իսկ միւսներդ տուն կգնաք: Վերադարձին ձեր կրտսեր եղբօրն ինձ մօտ կբերէք, այն ժամանակ միայն կհաւատամ ձեզ»: Եղբայրներն սկսեցին միմեանց նայել և ասել. «Այս բոլոր անբաղդութիւնը Յովսէփի պատճառովն է»:

Նրանք այնպէս էին կարծում, թէ Յովսէփն իրանց լեզուն չէ հասկանում, որովհետեւ թարգմանի բերանով էր խօսում: Յովսէփը երեսը շուռ տուաւ և սկսեց լալ: Ետոյ նրանց աչքի առաջ Շմաւոնին կապել տուաւ, հրամայեց տոպրակները ցորենով լցնել և իւրաքանչիւրի ցորենի զինն էլ պարկի մէջ դնել:

Բ. Եղբայրները ցորենը բռնեցին էշերին և սկսեցին հեռանալ Եգիպտոսից: Ծանապարհին նրանցից մէկը իշին կերակուր տալիս՝ բաց արաւ



պարկի բերանը և տեսաւ ցորենի զինն այնտեղ է դրած: Իսկոյն իմաց տուաւ եղբայրնե-

րին: Երկիւղից ամենքը զարհուրեցան ու ասում էին իրար. «Այս ինչ փորձանք է, որ Աստուած մեր գլխին է բերում»:

Երբ տուն հասան՝ այս ամենը պատմեցին հօրը:

Պարկերի բերանները բաց անելիս՝ իւրաքանքիւրը ցորենի զինը իւր տոպրակի մէջ գտաւ: Ամենքն էլ զարհուրանքի մէջ էին: Հայրն ասաց. «Դուք ինձ անորդի արիք. Յովսէփը և Շմաւոնը չկան, հիմայ էլ Բենիամինին էք ուզում տանել: Զէ, նրան չեմ թոյլ տայ, նա միայն է մնացել Հոսքէլից. եթէ ճանապարհին մի վտանգ պատահէ, ես այլ ևս չեմ կարող ապրել»:

Սովը սաստկանում էր Քանանացւոց երկրում: Բերած ցորենը վերջացաւ: Յակովբն ասաց իւր որդիներին. «Էլի գնացէք Եգիպտոս ու կերակուր գնեցէք»: Յուզան պատասխանեց. «Այն երկրի իշխանը մեզ ասաց—եթէ ձեր փոքր եղբօրը հեաներդ չբերէք, երեսս չտեսնէք: Թոյլ տո՛ւր, հայրիկ, Բենիամինն էլ մեզ հետ գալ—ինձնից պահանջիր, եթէ նրան մի բան պատահէ»:

Յակովբը պատասխանեց. «Ուրեմն այնպէս արէք, ինչպէս ուզում էք—միայն վեր առէք հեաներդ մեր երկրի ընտիր բերքերից և իշխանին ընծայ տարէք: Չմոռանաք ձեր պարկերում

գտնուած փողը ևս ետ տանել, ուրիշ փող էլ տուէր հեաները»: Եղբայրները ճանապարհ ընկան դէպի Եդիպտոս և ներկայացան Յովսէփին:

Դ. Երբ Յովսէփը իւր եղբայրներին և Բենիամինին տեսաւ, առաջ հաղարապետին. «Տունս արդէ մարդկանց և հացի պատրաստութիւն տես», — սրանք ինձ մօտ պէտք է ճաշեն»:

Երբ Յովսէփը տուն եկաւ, եղբայրներն ընծաներն առան և երեսներ զրոյ ընկած երկրպագութիւն տուին: Նա սիրով ողջունեց և առաջ. «Խնչպէս է ձեր ծերունի հայրը»: Նրանք պատասխանեցին. «Մեր հայրը՝ քո ծառան կենդանի է դեռ և առողջ» ու զլուխ տուին: Յովսէփը նայեց, ճանաչեց Բենիամինին ու առաջ. «Կարծեմ ամ պէտք է լինի ձեր կրտսեր եղբայրը»: Յովսէփը հեռացաւ իւր սենեակը ու սկսաւ լաց լինել: Ետոյ երեսը լուաց. դուրս եկաւ ու պատուիրեց հաց բերեն: Ամեն մէկի համար առանձին-առանձին ճաշ բերին:

Յովսէփի եղբայրներին իրանց տարիքի համաձայն նստացրին — առաջ մեծերին, ետոյ՝ կարգով փոքրերին ու սկսեցին կերակուր բաժանել: Բենիամինի բաժինը հինգ անգամ աւելի էր լքցրած: Այս բանի վրայ եղբայրները շատ զարմացան:

17. ՅՈՎՍԵՓԸ ՅԱՅՏՆԻՈՒՄ Է ԵՂԲԱՅՐՆԵՐԻՆ

Ա. Յովսէփը ծածուկ հրամայեց հաղարապետին և առաջ. «Դրանց պարկերը լցնել տուր ցորենով և իւրաքանչիւրի փողն էլ իրա պարկի մէջ դիր, իսկ իմ սկիհը՝ կրտսեր եղբօր պարկի մէջ: Հաղարապետը կատարեց Յովսէփի հրամանը: Հետեւալ օրը եղբայրները ճառագարն ընկան դէպի տուն: Դեռ քաղաքից նոր էին դուրս եկել, որ Յովսէփը հաղարապետին կանչեց ու առաջ. «Հասիր այն մարդկանցն ու ասա՝ ինչ՞նքն ամ տիրոջ սկիհը գողացաք»:

Հաղարապետը հասաւ նրանց և այնպէս էլ առաջ: Եղբայրները զարհուրած պատասխանեցին. «Աստուած մի արասցէ, որ մենք այդպիսի բան արած լինենք: Ում մօտ սկիհը գտնուի, թող նա մեռնի, իսկ միւսները քո տիրոջ ծառաները լինեն»: Նա պատասխանեց. «Ո՛չ, ում մօտ սկիհը գտնուի, իմ տիրոջ ծառան կլինի, իսկ միւսներդ ազատ էք»:

Շտապով վեր բերին պարկերը: Հաղարապետը նայեց՝ մեծից մինչև փոքրը: Բենիամինի պարկի մէջ գտաւ սկիհը: Եղբայրները սկսեցին իրանց շորերը պատառել — ամեն մէկը իւր էջք բեռնեց ու նորից վերադարձան Եդիպտոս:

Բ. Յուդան եղբայրների հետ դարձաւ Յովսէփի մօտ: Յովսէփն առաջ. «Այդ ի՞նչ արեք»:

Յուդան պատասխանեց. «Ի՞նչ պատասխանենք
կամ ի՞նչպէս արդարանանք. ահա այստեղ ենք
ամենքս և նա, որի մօտ սկիհը գտնուեց—մենք
ամենքս էլ քո ծառաներն ենք»:

Իսկ Յովսէփը պատասխանեց. «Այդպիսի բան
ես չեմ անի, որի մօտ սկիհը գտնուել է, նա
միայն կլինի իմ ծառան, իսկ միւսներդ ազատ էք»:

Այն ժամանակ Յուդան մօտեցաւ նրան և
ասաց. «Տէր, թոյլ տո՛ւր ծառայիդ քո առաջ մի
խօսք ասելու: Մենք առաջ քեզ ասացինք, որ
տանը ծերունի հայր և կրտսեր եղբայր ունենք
և թէ մեր հայրը նրան շատ է սիրում: Դու մեզ
պատասխանեցիր, եթէ ձեր կրտսեր եղբօրն ինձ
մօտ չբերէք, երեսս չտեսնէք: Մենք հարցրինք
մեր հօրը և կամենում էինք նրան ևս բերել:
Բայց նա ասաց մեզ—զիտէք որ Հռաքէլը երկու
որդի ծնաւ—մինից զրկուեցի, հիմա էլ սրան էք
ուզում տանել: Եթէ ճանապարհին մի անբաղ-
տութիւն պատահէ, ես էլ չեմ ապրի: Ես՝ քո
ծառան երաշխաւոր եղայ հօրս: Դրա համար էլ
ինձ ընդունիր մանկան փոխանակ որպէս ծա-
ռայ, իսկ նա թող եղբայրների հետ հօր մօտ
դառնայ—ինչպէս տեսնեմ ես այն սրտնեղու-
թիւնը, երբ ծերունի հայրս Բենիամինին մեզ
հետ չտեսնէ»:

Յովսէփն էլ երկար չկարողացաւ իրան պա-
հել, հրամայեց բոլոր եգիպտացիներին դուրս

գնալ—սկսաւ բարձր ցայնով լաց լինել և յայտ-
նել եղբայրներին. «Ես Յովսէփն եմ»: Եղբայր-
ները խիստ վախեցան. չգիտէին, թէ ինչ անեն:
Յովսէփը շարունակեց. «Մօտ եկէք. ես Յով-
սէփն եմ՝ ձեր եղբայրը. մի վախէք. տուն շտա-
պեցէք և ասացէք հօրս, որ Աստուած ինձ ամ-
բողջ եգիպտոսին տէր է դարձրել—արի շուտով
ինձ մօտ: Պատմեցէք հօրս՝ ինչ որ տեսաք և
ասացէք, որ նա Գեսեմում կենակուի:
Նա ընկաւ Բենիամինի վզովը ու երկար ժա-



մանակ լաց էր լինում: Յովսէփը համբուրեց բոլոր
եղբայրներին և շարունակ լաց էր լինում:

Վ. Երբ Փարաւոնն իմացաւ Յովսէփի եղբայրների գալը. շատ ուրախացաւ: Նա Յովսէփի բերանով յայտնեց եղբայրներին, որ շտապեն Քանան և հօրը Եգիպտոս բերեն—նա խոստացաւ նրանց շատ բարութիւններ անել:

Յովսէփը կառքեր տուաւ, հմանապէս ճանապարհի պաշար: Բացի դրանից հօր համար տաւն էլ ուղարկեց՝ բարձած Եգիպտոսի բարիքներով. նոյնպէս տաւն ջորի ցորենով:

Եղբայրները հեռացան Եգիպտոսից. եկան Քանան և պատմեցին հօրը գլխներովն անցածը: Յակովբն սկզբում չէր հաւատում, բայց երբ կորած որդու ուղարկած կառքերը տեսաւ, սթափուեց ու սասաց. «Մէթէ իմ Յովսէփը կենդանի է, շտապեմ նրան տեսնել՝ քանի որ չեմ մեռել»:

18. ՅԱԿՈՎԲԸ ԵՊԻՓՏՈՍՈՒՄ

Ս. Յակովբը տեղափոխուեց Եգիպտոս 66 հոգւով: Երբ Եգիպտոսի և Քանանի սահմանի մօտ գտնուող Բերսաբէ քաղաքը հասաւ, Աստուած ասաց նրան տեսիլքում. «Նա քո հօր ամենակարող Աստուածն եմ, մի վախենա, զնա Եգիպտոս. այնտեղ քեզ մեծ ազգ կգարձնեմ—ես քեզ հետ եմ գալիս»:

Այս խօսքերից ետոյ Յակովբը հեռացաւ

Բերսաբէից. Յուդային առաջուց Յովսէփի մօտ ուղարկեց իւր գաղութը յայտնելու: Յովսէփն այս լուրն առնելուն պէս՝ իսկոյն լծել տուաւ կառքը և եկաւ հօրն ընդունելու: Երբ Յովսէփը հօրը տեսաւ, վզովն ընկաւ ու երկար ժամանակ լաց էր լինում: Յակովբն ասաց. «Հիմա հանգիստ կմեռնեմ՝ քեզ տեսնելուց ետոյ»: Սրանից ետոյ Յովսէփն ասաց. «Նա շտապում եմ Փարաւոնին իմաց տալու ձեր գաղութը»:

Ք. Յովսէփն եկաւ Փարաւոնի մօտ և ասաց. «Իմ հայրն ու եղբայրները եկել են Քանանացւոց երկրից ու Գեսեմուճն են, թոյլ տուր զնամ նրանց ընդունեմ»:

Փարաւոնն ասաց Յովսէփին. «Քո հօր և եղբայրների համար իմ երկրի մէջ ամենալաւ տեղն ընտրիր—բնակեցրու նրանց Գեսեմուճ: Եթէ քո եղբայրների մէջ քաջ մարդիկ կան, նշանակիր խաշներին վրայ վերակացու»:

Յովսէփը հօրը թաղաւորին ներկայացրեց: Փարաւոնը հարցրեց Յակովբին. «Քանի տարեկան ես»: Յակովբը պատասխանեց. «Թէև ես 130 տարեկան եմ, բայց կենսաբանում մի լաւ օր չեմ տեսել»: Յակովբն օրհնեց թաղաւորին և հեռացաւ:

Յովսէփը հօրն ու եղբայրներին բնակեցրեց Գեսեմուճ:

Պ. Յակովբը իւր ընտանիքի հետ 17 տարի ընափուեց Գեսեմուտ: Երբ մահուան օրերը մօտեցան, կանչեց Յովսէփին ու ասաց. «Իմ մարմինը կտանես Քանան և կթաղես տապերիս մօտ՝ Կրկին-Այրում»: Յովսէփը պատասխանեց. «Այնպէս կանեմ, ինչպէս քո կամքն է»:

Սրանից ետոյ նորից իմաց տուին Յովսէփին, որ հայրը ծանր հիւանդ է: Յովսէփը վեր առաւ իւր որդւոցը՝ Եփրեմին, Մանասէին ու զնաց հօր մօտ: Յակովբը տեղից վեր կացաւ. նստեց անկողնի մէջ և ասաց Յովսէփին. «Քո երկու որդիները՝ Եփրեմն ու Մանասէն իմն են, ինչպէս Ռուբէնն ու Շմաւոնը»: Նա որդեգրեց թոռներին, ձեռները գլխներին դրաւ՝ օրհնեց և ասաց. «Իմ հայրերի Աստուածը թող օրհնէ այս մանուկներին. որպէսզի սրանք աճեն և բազմանան երկրիս վրայ»:

Ետոյ Յովսէփի հետ խօսեց, մարգարէացաւ ու ասաց. «Ահա ես մեռնում եմ, բայց Աստուած մի օր նորից ձեր հայրերի երկիրը պիտի դարձնէ ձեզ»:

Այնուհետև Յակովբը կանչեց միւս որդիներին, օրհնեց իւրաքանչիւրին առանձին-առանձին և ասաց. «Ինձ կթաղէք Քանանացւոց երկրում՝ Կրկին-Այրի մէջ»: Երբ իւր պատուէրը վերջացրեց, խփեց աչքերը և բաժանուեց ամենից: Յովսէփն ընկաւ հօր վրայ և լաց էր լինում:

Եգիպտացիները նոյնպէս սգում էին Յակովբի



մահը եօթանասուն օր շարունակ:

Երբ սգի օրերն անցան, Յովսէփն ասաց Փարաւոնին. «Հայրս խնդրել է ինձ, որ նրան Քանանացւոց երկրում թաղել տամ. ես զնում եմ. թաղելուց ետոյ՝ կվերադառնամ»: Փարաւոնն ասաց. «Գնա և թաղել տո՛ւր քո հօրը»:

Յովսէփը մեծ բազմութիւնով ճանապարհ ընկաւ: Դիակը տարան Քանանացւոց երկիրը և թաղեցին Կրկին-Այրի մէջ: Թաղելուց ետոյ ամենքն էլ վերադարձան Եգիպտոս:

19. ՅՈՎ ՍԷՓԻ ՄԱՀԸ

Ա. Յակովբի մահուանից ետոյ եղբայրները վախենում էին Յովսէփից—նրանք ասում էին. «Յովսէփը մեր դէմ ո՞ր կունենայ»: Սրա համար եկան նրա մօտ և ասացին. «Ներքի մեր յանցանքները»: Այս բանի վրայ Յովսէփը սկսեց լաց լինել և ասել. «Մի վախենաք, դուք իմ մասին չարութիւն մտածեցիք, իսկ Աստուած՝ բարի: Մի վախենաք, ես ձեզ էլ և ձեր որդւոցն էլ կկերակրեմ»:

Բ. Երբ Յովսէփը 110 տարեկան դարձաւ, ասաց եղբայրներին. «Ահա ես մեռնում եմ, Աստուած ձեզ մի օր պէտք է հանէ այս երկրից ու տանէ Քանանացւոց աշխարհը: Երբ դուք տե-

ղափոխուէք, չմոռանաք իմ սակորներն էլ ձեզ հետ տանելու»:

Յովսէփը մեռաւ. նրա մարմինը զմուսեցին և թաղեցին Եգիպտոսում:

ՆՈՐ ՈՒՆՏԻՑ

20. Ա. Ն. Ա. Ռ. Ա. Կ. Ռ. Բ. Ռ. Դ. Ա. Ռ. Ա. Կ. Ը.

Մի մարդ ունէր երկու որդի: Մի օրփոքրն ասաց հօրը. «Տո՛ւր իմ բաժինը քո հարստութիւնից, ես այլ ևս չեմ կամենում քեզ մօտ ապրել»: Հայրը տուաւ նրան իւր բաժինը: Որդին իսկոյն հեռացաւ և զնաց ուրիշ երկիր ու այնտեղ իւր նման վատ տղերանց հետ ունեցածը փչացրեց՝ անկարգ կեանք վարելով:

Երբ հօրից ստացածը կերաւ, վերջացրեց, հէնց այդ ժամանակ էլ այն երկրում սառտիկ սով ընկաւ: Փոքր որդին սկսաւ մուրացկանութիւն անել, բայց դրանով չկարողացաւ ապրել: Ճարը կտրած՝ զնաց մի հեթանոսի մօտ ծառայ դարձաւ: Սա էլ իւր խոզերը յանձնեց նրան, որ հանդը տանէ պահելու: Հեթանոս պարոնը նրան հաց չէր տալիս, նա կերակրւում էր խոզերի կերածով, բայց այդ էլ դժուար էր ձեռք ընկնում:

Փոքր որդին սկսեց մտածել և ինքն իրան աշպէս էր ասում. «Այս ինչ արի ես, քանի քանի ծառաներ իմ հօր տանը ձրի հաց են ուտում, իսկ ես այստեղ սովամահ մեռնում եմ: Կդառնամ հօրս մօտ և կասեմ նրան—հայր, ես մեղաւոր եմ քո և Աստծու առաջ, ես արժանի չեմ քեզ որդի կոչուելու, այլ՝ ինձ էլ համարիր քո ծառաներից մէկը»:

Մրանից ետոյ փոքր որդին դարձաւ հօր մօտ: Հայրը հեռուից նկատեց նրան. ճանաչեց, առաջ վազեց, գրկեց և համբուրեց: Որդին կարմրելով ասաց. «Ես մեղաւոր եմ քո և Աստծու առաջ, այլ ես արժանի չեմ քեզ որդի կոչուելու...»: Մի ուրիշ հայր որ լինէր, չէր ընդունի անկարգ անառակ որդուն, երեսովը կտար նրա վարմունքը, բայց սա բարի էր, կանչեց ծառաներին և ասաց. «Հանեցէք սրա հին շորերը և նորերը հագցրէք. մատանին դրէք մատին—այսուհետեւ նոր հայր ու որդի պիտի լինենք: Նոր կօշիկներ հագցրէք. չաղ եզր մօրթեցէք. կանչեցէք բարեկամներին ուրախանանք, որովհետեւ սա մեռած էր անկարգութեան մէջ՝ այսօր կենդանացաւ սխալն ուղղելով, կորած էր, գտնուեց»: Ծառաներն այդպէս էլ արին—ամենքն էլ սկսեցին ուրախանալ:

Այդ միջոցին մեծ որդին հանդուժն էր: Երեկոյեան, երբ տուն դարձաւ, երգի և սլարի

ծախեր լսեց: Ծառաներից մէկին կանչեց իւր



մօտ և հարցրեց՝ թէ դա ինչ ուրախութիւն է: Նա էլ պատասխանեց. «Եղբայրդ դարձել է, հայ-

ըրդ չադ եզը մորթել տուաւ և բարեկամների հետ ուրախանում են»։

Մեծ որդին՝ փոխանակ ուրախանալու, նախանձից տուն չմտաւ։ Նա այսպէս էր մտածում — եղբայրս որ եկել է, հայրս իւր հարստութիւնից նրան էլի բաժին կտայ։ Հայրը, որ կարող էր հրամայել, դուրս գնաց, խնդրում, աղաչում էր մեծ որդուն ներս գալու։ Բայց մեծ որդին բարկացած այսպէս պատասխանեց. «Այս քանի տարի է քեզ ծառայում եմ, քո խօսքից երբեք դուրս չեմ եկել. դու ինձ մի ուլ էլ չտուիր, որ ընկերներիս հետ ուրախանամ, իսկ քո այդ անկարգ որդին, որ հարստութիւնդ կերաւ, փրկացրեց, նրա համար չադ եզն ես մորթել»։

Հայրը խրատելով պատասխանեց որդուն և ասաց. «Որդեակ, իմ բոլոր հարստութիւնը քոնն է, դու չպիտի տրտմես ու նախանձես եղբորդ, այլ պէտք է ուրախանաս, որովհետեւ նա մեռած էր, կենդանացաւ, կորած էր, գտնուեց»։

Հայրը տրտմեց և ինքն իրան ասում էր. «Թէև փոքր որդին ուղղեց իւր սխալը, տուն վերադարձաւ և մեզայ ասաց — նա գտնուեց»։ Բայց փոխարէնը մեծ որդիս կորաւ։ Ես կարծում էի թէ նա խելօք է, երեսց, որ նախանձոտ է, չէ որ ւրախանում եղբոր դարձի վրայ, այժմ նա դարձաւ անառակ — մէկին գտայ, միւսին կորցրի։

Փոքրիկ մանուկներ, եթէ դուք էլ սխալ բան անէք, փոքր որդու նման սխալներդ ուղղեցէք, որ բաղդաւոր լինիք։ Մեծ որդու նման նախանձոտ չլինիք — թէ՛ ձեր եղբոր և թէ՛ ուրիշի բաղդաւորութեան վրայ միշտ ուրախացէք։

21. ՏՍՄՆ ԿՈՅՍԵՐԻ ԱՌԱԿԸ

Մի անգամ Հրէաստանում մի հարսանիք կար։ Այդ երկրում հարսանիքը գիշերով էր լինում. Հարսի տան ընկերուհիները հրաւիրուած էին հարսանիք — նրանք պսակուած չէին, այսինքն՝ կոյս էին։ Երկրի սովորութիւնն այնպէս էր, որ փեսան իւր ընկերներով, հարսն էլ իւր ընկերուհիներով լապտերները վառած դուրս էին գալիս տանից և փողոցում մի տեղ պատահում էին իրար, ետոյ փեսան հարսին տանում էր հարսանքատուն։

Հարսի բոլոր տան ընկերուհիներն էլ վառած լապտերներ ունէին՝ ձէթով լիքը, բայց նրանցից հինգը՝ բացի վառած լապտերներից՝ հետները վերցրել էին և մի ամանով աւելորդ ձէթ, որ՝ եթէ փեսան ուշանալու լինի, այդ ձէթից ածեն. լապտերների մէջ, որպէսզի չհանգչի։ Այն կոյսերը, որոնք զգոյշ էին գտնուել և հետները աւելորդ ձէթ էին վերցրել, նրանց անուանում-

ենք իմաստուն կոյսեր, այսինքն զգոյշ աղջիկներ, իսկ նրանք, որոնք մոռացել էին աւելորդ ձէթ վերցնել, անուանում ենք յիմար կոյսեր, այսինքն անզգոյշ աղջիկներ:

Բոլոր սառ կոյսերը լապտերները վառած դուրս եկան փողոց փեսային հանդիպելու: Փեսան ուշացաւ—բոլորի քունն էլ տարաւ փողոցում: Կէս գիշերին յանկարծ ձայն լսուեց, թէ փեսան գալիս է: Կոյսերը զարթնեցին, տեսան որ լապտերները հանգչում են: Իմաստուն կոյսերն իսկոյն իրենց հետ վերցրած աւելորդ ձէթն ածեցին լապտերների մէջ և նորոգեցին, իսկ յիմարների լապտերները քիչ էր մնում հանգչի: Այն ժամանակ յիմար կոյսերը իմաստունների խնդրեցին ու ասացին. «Ձեր ձէթիցը մի քիչ էլ մեզ տուէք, մեր լապտերները հանգչում են»: Իմաստունները պատասխանեցին և ասացին. «Եթէ մեր ձէթիցը ձեզ էլ տանք, մեզ բաւական չի լինի—թէ ուզում էք, գնացէք ձէթ ծախողների մօտ և նրանցից գնեցէք»:

Երբ յիմար կոյսերը գնացին ձէթ գնելու, փեսան եկաւ, իմաստուն կոյսերին էլ հետն առաւ ու միասին գնացին հարսանքատուն—ներս մտան ու դուռը կողպեցին:

Յիմար կոյսերը գնացին ձէթ գնելու. նորոգեցին իրանց լապտերները. եկան հարսանքատուն. դուռը ծեծեցին և խնդրում էին, որ ի-



րանց ել ներս թողնէ, բայց փեսան պատասխանեց նրանց և ասաց. «Ես ձեզ չեմ ճանաչում, թէ դուք ովքեր էք» և դուռը բաց չարաւ: Նրանք մնացին դուռսը՝ փողոցում, լալիս էին և լսում թէ ինչպէս ներսը՝ ամենքն ուրախանում են:

Փոքրիկ մանուկներ, դուք էլ միշտ զգոյշ եղէք իմաստուն կոյսերի նման, յիմար կոյսերի պէս անզգոյշ չլինէք:

22. Ս Ե Ր Մ Ն Ա Յ Ա Ն Ի Ա Ռ Ա Կ Ը

Յիսուսի մօտ մեծ բազմութիւն էր գալիս նրա քարոզները լսելու: Մի անգամ, երբ նա Գալիլիայի ծովի ափին էր, շատ խեղճ մարդիկ էին հաւաքուել, որ նրա խրատները լսեն: Այստեղ Յիսուս նրանց մի առակ պատմեց—

Մի սերմնացան սկսեց սերմ ցանել: Սերմերից մի քանիսն ընկան ճանապարհի վրայ, այնտեղ հողը կոշտ էր, այս պատճառով էլ սերմերը չկանաչեցին—թռչունները եկան և կերան:

Սերմերից մի քանիսն էլ ընկան քարքարոտ հողի մէջ. այստեղ թէև սերմերը կանաչեցին, բայց որովհետև հողի շերտը բարակ էր, արմատները շատ խորը չգնացին, երբ արևը տաքացաւ, բոյսերը շուտով չորացան:

Մի քանի սերմեր էլ ընկան փշոտ հողի մէջ



—այստեղ էլ սերմերը կանաչեցին, բայց փշերն

էլ հետը դուրս եկան, խեղդեցին բարի սերմերին և չթողին պտուղ տալ:

Իսկ մի քանիսն էլ քնկան լաւ տեղ, ուր հողը փափուկ էր և շերտը հաստ, ոչ քարեր կային և ոչ փշեր: Այստեղ սերմերը կանաչեցին և պտուղ տուին՝ որը հարիւր, որը վաթսուս և որը երեսուն:

Փոքրիկ մանուկներ, դուք էլ ձեր սրտերը չորրորդ ազարակի նման պիտի պատրաստէք, որ երբ ուսուցիչը սերմանացանի նման բարի խրատներ ցանէ ձեր մէջ, պտուղներ տան:

23. ՔԱՆՔԱՐՆԵՐԻ ԱՌԱԿԸ

Մի հարուստ մարդ օտար երկիր էր գնում: Կանչեց ծառաներին և իւր փողերը նրանց յանձնեց—մէկին տուաւ հինգ քանքար (10.000 որ.), միւսին՝ երկու (4.000), իսկ երրորդին՝ մի (2.000) իւրաքանչիւրին իւր շնորհքի համեմատ և շտապով հեռացաւ:

Հինգ քանքար ստացողը գործ սկսեց և նրանով ուրիշ հինգ քանքար էլ աշխատեց: Երկու քանքար ստացողն էլ գործ սկսեց և աշխատեց էլի երկու քանքար: Իսկ մի քանքար ուսացողը

զեռինը փորեց և ափրոջ տուն՝ քանքարը թաղեց, գործ չգրաւ փողը:

Մի քանի ժամանակից ետոյ տէրը տուն վերադարձաւ և ծառաներից հաշիւ պահանջեց: Հինգ քանքար ստացողն եկաւ և այսպէս հաշիւ



տուեց. «Տէր, դու ինձ հինգ քանքար տուիր. ես զբանով գործ սկսեցի և ուրիշ հինգ քանքար էլ աշխատեցի—ահա քո փողը»: Տէրը գովեց ծառային և ասաց. «Բարի և հաւատարիմ ծառայ, որովհետեւ դու փոքր գործի մէջ հաւատարիմ եղար, այսուհետեւ մեծ գործերի վրայ կառավար

րիչ կնշանակեմ: Ես այսքան տարի հեռացել էի տանից. հիմա որ վերադարձել եմ, իմ բարեկամներին համար մեծ ճաշ եմ պատրաստել՝ միասին ուրախանալու: Թէեւ դու բարիկամ չես, բայց և այնպէս համեցէք արա՛ւ և մասնակից եղիր մեր ուրախութեանը»:

Մօտ եկաւ երկու քանքար ստացողը: Նա էլ հաշիւ տուեց ու ասաց. «Տէր, դու ինձ երկու քանքար տուիր, ես դրանով գործ սկսեցի և ուրիշ երկու քանքար էլ աշխատեցի—անա՛ քո փողը»: Տէրը սրան էլ գովեց և ասաց. «Բարի և հաւատարիմ ծառայ, որովհետեւ դու փոքր գործի մէջ հաւատարիմ եղար, այսուհետեւ մեծ գործերի վրայ կառավարիչ կնշանակեմ. եկ, դու ևս մասնակից եղիր իմ ուրախութեան ճաշին»:

Վերջը մօտեցաւ մի քանքար ստացողն ու ասաց. «Տէր, ես գիտէի, որ դու խիստ մարդ ես—հնձում ես այնտեղից, ուր չես ցանել և հաւաքում ես, ուր չես փռել, ուստի վախեցայ քեզնից և քո տուած քանքարը գետնի մէջ թաղեցի—անա՛ քո տուած փողը»: Տէրը բարկացաւ նրա վրայ և ասաց. «Չար և վատ ծառայ, երբ դու գիտէիր, որ ես հնձում եմ չցանած տեղից և հաւաքում եմ, ուր չեմ փռել, ի՞նչու իմ փողն ստացար, ի՞նչու չյանձնեցիր սեղանաւորին, որ ես նրանից այժմ տոկոսով ստանայի»: Տէրն իսկոյն հրամայեց միւս ծառաներին և ա-

սաց. «Առէք այդ անպիտան ծառայից քանքարը և տուէք տա՛ն քանքար ունեցողին, իսկ իրան ձգեցէք մութ և ցուրտ սենեակը, թող այնտեղ լաց լինի և ատաճները կրճատեցնէ»:

Փոքրիկ մանուկներ, Աստուած էլ ձեզ շնորհ է տուել—դուք պէտք է նրա տուած շնորհը գործ դնէք և ոչ թէ այն վատ ծառայի նման թաղէք հողի մէջ: Ով Աստծու տուած շնորհը գործ կդնէ, էլ աւելի շնորհ կստանայ, իսկ ով շնորհը գործ չի դնի, եղածիցն էլ կզրկուի:



Յ Ա Ն Կ

Հ Ի Ն-Ո Ւ Խ Տ

Երև

Յառաջաբան	3
1. Աստուած կանչում է Աբրահամին	5
2. Աբրահամը և Դովտը բաժանւում են իրարից	6
3. Աբրահամը ազատում է Դովտին	7
4. Իսահակի ծնունդը և զոհուելը	8
5. Սառայի մահը	11
6. Իսահակի ամուսնութիւնը և Աբրահամի մահը	13
7. Եսաւ և Յակովբ	16
8. Յակովբի խաբեբայութիւնը	17
9. Յակովբի փախուստը	20
10. Յակովբը Լաբանի մօտ	23
11. Յակովբի դարձը Խառանից	25
12. Եսաւի և Յակովբի հաշտութիւնը	27
13. Յովսէփի եղբայրները և նրա վաճա- ռումը	29
14. Յովսէփը Պետափրէսի տանը	33
15. Յովսէփի բարձրանալը	33
16. Յովսէփի եղբայրները գալիս են Եգիպ- տոս	37
17. Յովսէփը յայտնւում է եղբայրներին	42
18. Յակովբը Եգիպտոսում	46
19. Յովսէփի մահը	50

Ն Ո Ր-Ո Ւ Խ Տ

20. Անառակ որդու առակը	51
21. Տասն կոյսերի առակը	55
22. Սերմանացանի առակը	58
23. Քանքարների առակը	60

ԻՄ ԱՇԽԱՏԱՍԻՐԱԾ ԿՐՕՆԻ ԴԱՍԱԳՐԵՐԸ

I. ՈՒՍՈՒՑԻՉՆԵՐԻ ՀԱՄԱՐ

Ստորին օրջան		գինն է մ. և.	գինը %
1. Ուղեցույց	Հին—Ուխտի մասն Ա.	» 80	25
2. Ուղեցույց	Հին—Ուխտի մասն Բ.	» 85	25
3. Ուղեցույց	Նոր—Ուխտի մասն Ա.	1 »	}
4. Ուղեցույց	Նոր—Ուխտի մասն Բ.	1 5	
Միջին օրջան			} 35
5. Դասագիրք	կրօնի հատոր Դ.	1 50	
6. Դասագիրք	կրօնի հատոր Ե.	» 50	
7. Տասն պատուիրան		» 50	

II. ԱՇԽԱՏՈՐՆԵՐԻ ՀԱՄԱՐ

ա. Ծխական դպրոցների համար		
8. Դասատետր կրօնի Ա. տարի	»	25
9. Դասատետր կրօնի Բ. տարի	»	25
10. Դասատետր կրօնի Գ. տարի	»	25
11. Դասատետր կրօնի Դ. տարի	»	30
բ. Պետական դպրոցների համար		
12. Դասատետր կրօնի Ա. տարի	»	25
13. Դասատետր կրօնի Բ. տարի	»	25
14. Դասատետր կրօնի Գ. տարի (ոչ պատ- կերազարդ)	»	30
գ. Ծխական եւ պետական դպր. համար		
15. Հին—Ուխտ	»	50
16. Նոր—Ուխտ	»	45
17. Գործք—Առաքելոց	»	45
դ. Ցածկահայ դպրոցների համար		
18. Հին—Ուխտ	»	45
19. Նոր—Ուխտ	»	45
20. Բարոյախօսութիւն (էթիկայ)	»	50
21. Մի քանի խօսք հայ կրօնուսույցներին	»	10

ՑԱՆԿԱՑՈՂՆԵՐԸ ԿՆՐՈՂ ԵՆ ԴԻՄԵԼ

1. Խնձ—Սահակ ա. քհ. Սահակեանց. Бебутовская № 20.
2. «Գիր» և միւս հայ գրավաճառներին:
3. Պահատը գտնւում է «Գիր» գրավաճառանոցում,

Գինն է 25 ԿՈՊԵԿ

<< Ազգային գրադարան



NL0157155

